



KERATAN AKHBAR DAN MEDIA ONLINE UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PPP)
SETIAUSAHA AKHBAR**

4 NOVEMBER 2022 (JUMAAT)



KERATAN AKHBAR DAN MEDIA ONLINE (KPDNHEP)

4 NOVEMBER 2022 (JUMAAT)



Jualan telur terpaksa 'dicatu'

Kementerian diharap segera atasi kekurangan bekalan di pasaran

Oleh Nazdy Harun
bhnews@bh.com.my

Kuala Berang: Penjualan telur ketika ini terpaksa dihadkan kepada pengguna berikutan kekurangan bekalan di dalam pasaran sejak kebelakangan ini.

Timbalan Menteri Kementerian Perdagangan Dalam Negeri Dan Hal Ehwal Pengguna (KPDNHEP), Datuk Rosol Wahid berkata pemantauan oleh KPDNHEP mendapati berlaku kekurangan telur dalam pasaran dan pihaknya sudah memaklumkan mengenai kekurangan itu kepada Kementerian Pertanian dan Industri Makanan (MAFI).

"MAFI memaklumkan bahawa bekalan telur mencukupi, namun hakikatnya ia sukar diperoleh dan sebagai contoh kita dapat melihat hanya sepapan telur dijual kepada pengguna dalam karnival yang berlangsung ini (semalam)."

"Ia bukan hanya pengguna yang terjejas, malah peniaga makanan amat terkesan berikutan kekurangan bekalan telur, selain sukar diperoleh," katanya ketika ditemui selepas Program Advokasi Kepenggunaan Dan Jualan Keluarga Malaysia, di Dewan Si-

vik Ajil, Kampung Bukit Perah, di sini, semalam.

Beliau berkata, KPDNHEP berharap MAFI dapat menyelesaikan dengan segera permasalahan membabitkan bekalan telur di pasaran yang sudah berlautan beberapa bulan kebelakangan ini.

Telur tidak bersubsidi mahal

Katanya, satu tindakan drastik perlu dilakukan berikutan maklum balas kontra yang diperoleh iaitu MAFI memberitahu bekalan telur mencukupi, namun hasil tinjauan KPDNHEP mendapati bekalan telur berkurangan.

"Telur tidak bersubsidi mudah diperoleh di pasaran, namun harganya sedikit mahal berbanding telur biasa yang bersubsidi yang sukar diperoleh dan jualan terpaksa dicatukan," katanya.

Mengulas mengenai Program Jualan Keluarga Malaysia (PJKM) beliau berkata, sejak diperkenalkan hingga minggu ketiga bulan lalu, jualan keseluruhan PJKM sebanyak RM60.22 juta membabitkan 639 sesi di seluruh negara.

"Melalui PJKM harga yang ditawarkan lebih rendah antara 20 hingga 30 peratus daripada harga pasaran biasa dan setiap Dewan Undangan Negeri (DUN) dilihat melaksanakan PJKM ini sebanyak dua kali sebulan," katanya.

Justeru, beliau menggesa Pasukan Khas Jihad Tangani Inflasi (PKJTI) harus lebih agresif dalam menangani permasalahan ini bagi meringankan beban pengguna khususnya.

Rosol melawat gerai jualan pada Program Advokasi Kepenggunaan Dan Jualan Keluarga Malaysia, di Kuala Berang, semalam.
(Foto Nazdy Harun/BH)





ZULKAFLY terpaksa membeli telur di pasaraya besar untuk mendapatkan telur. - Gambar NSTP/ROSELAN AB MALEK

Oleh Roselan Ab Malek
am@hmetro.com.my

ISU BEKALAN TELUR JEJASKAN PENIAGA

Temerloh

Peniaga di daerah ini semakin resah dengan isu kekurangan telur yang seolah-olah tiada berpenghujung sejak empat bulan lalu.

Ia bukan saja menjejaskan peniaga di kawasan pekan, malah peniaga kedai runcit di kampung selain pihak yang terbabit dengan perniagaan makanan serta kuih muih.

Pemilik kedai runcit di Kerdau, Zulkafly Ramly, 41, berkata, setiap hari dia berusaha untuk mendapatkan bekalan telur di pasar raya namun ia terhad untuk tiga papan sahaja.

"Jika tiada juga, saya terpaksa ke Maran, Jerantut atau Jengka untuk mendapatkan telur namun ada kalanya saya pulang hampa."

"Saya terpaksa berbuat demikian kerana setiap minggu, saya perlu membekalkan 40 papan telur ke kantin sekolah dan kedai makan," katanya.

Zulkafly berkata, pembekal telur pula hanya mem-

Berjalan jauh, pulang hampa



Sebelum ini, jika tiada di sesebuah pasar raya, saya akan ke pasar raya atau kedai runcit lain dan biasanya memang akan dapat bekalan. Namun kali ini, ia memang sukar"

Zulkafly

bekalkan 10 papan telur seminggu namun ada kalanya dia tidak memperoleh bekalan kerana ia habis dijual dalam tempoh beberapa jam sahaja.

"Saya perlu sentiasa bertanya kepada rakan untuk mengetahui pasar raya

atau kedai runcit mana yang mempunyai bekalan telur.

"Sebelum ini, jika tiada di sesebuah pasar raya, saya akan ke pasar raya atau kedai runcit lain dan biasanya memang akan memperoleh bekalan. Namun kali ini, ia memang sukar untuk mendapatkannya," katanya.

Sementara itu, Ketua Cawangan Kementerian Perdagangan Dalam Negeri dan Hal Ehwal Pengguna (KPDNHEP) Temerloh Abdul Razak Yahaya berkata, keadaan itu berlaku kerana permintaan meningkat berbanding pengeluaran telur ayam yang semakin berkurang.

"Ini kerana ramai penternak dan peladang yang semakin kurang beroperasi kerana dimaklumkan ke-

untungan yang diterima tidak tinggi dan tidak dapat menampung kos untuk menternak ayam.

"Dimaklumkan juga, penternak tidak mahu menanggung risiko untuk menternak kerana musim banjir bakal melanda tidak lama lagi," katanya.

Katanya, beberapa pemborong di Mentakab masih menerima tempahan, tetapi terpaksa mengurangkan kuantiti yang ditempah.

"Pengguna dinasihatkan membuat pembelian secara biasa dan dalam kuantiti yang diperlukan sahaja.

"Sekiranya pengguna membuat pembelian secara panik dengan kuantiti yang banyak, ia akan menyebabkan gangguan rantaian bekalan setempat," katanya.

Terpaksa catu penjualan telur

Kuala Berang: Penjualan telur ayam terpaksa dicatu berikutan bekalan sumber protein berkenaan sukar diperoleh di pasaran sejak kebelakangan ini.

Timbalan Menteri Kementerian Perdagangan Dalam Negeri Dan Hal Ehwal Pengguna (KPDNHEP) Datuk Rosol Wahid berkata, penjualan telur kini terpaksa dihadkan kepada pengguna berikutan kekurangan bekalan.

Menurutnya, pemantauan oleh KPDNHEP mendapati berlaku kekurangan telur dalam pasaran dan pihaknya sudah memaklumkan mengenai kekurangan itu kepada Kementerian Pertanian dan Industri Makanan (Mafi).

"Mafi memberitahu telur mencukupi namun hakikatnya bekalan telur sukar diperoleh dan sebagai contoh, kita dapat melihat hanya sepagam telur dijual kepada pengguna dalam karnival yang berlangsung hari ini (semalam)."

"Dalam konteks ini, bukan hanya pengguna yang terjejas, malah peniaga makanan amat terkesan berikutan kekurangan bekalan telur selain sukar diperoleh," katanya ketika ditemui selepas Program Advokasi Kepenggunaan Dan Jualan Keluarga Malaysia di Dewan Sivik Ajil, Kampung Bukit Perah di sini, semalam.

Menurutnya, KPDNHEP berharap Mafi dapat menyelesaikan dengan segera permasalahan membabitkan bekalan telur di pasaran yang sudah berlarutan beberapa bulan kebelakangan ini.

Katanya, maklum balas kontra yang diperoleh iaitu Mafi memberitahu bekalan telur mencukupi namun ha-



Dalam konteks ini, bukan hanya pengguna yang terjejas, malah peniaga makanan amat terkesan berikutan kekurangan bekalan telur selain sukar diperoleh"

Rosol

sil tinjauan KPDNHEP mendapati, bekalan telur berkurangan.

"Oleh itu, tindakan drastik perlu diambil," katanya.

Tambahnya, telur tidak bersubsidi mudah diperoleh di pasaran namun harganya sedikit mahal berbanding telur biasa.

Mengulas mengenai Program Jualan Keluarga Malaysia (PJKM) beliau berkata, sejak diperkenalkan hingga minggu ke tiga Oktober lalu, jualan keseluruhan PJKM merekodkan RM60.22 juta membabitkan 639 sesi di seluruh negara.

"Melalui PJKM, harga yang ditawarkan lebih rendah iaitu antara 20 hingga 30 peratus daripada harga pasaran dan setiap Dewan Undangan Negeri (Dun) melaksanakan PJKM ini dua kali sebulan," katanya.

Program Jualan Keluarga Malaysia hadkan satu papan bagi setiap pelanggan

Krisis bekalan telur semakin serius

Oleh MOHD. AZLI ADLAN

HULU TERENGGANU - Isu kekurangan telur ayam di pasaran masih gagal diatasi sehingga catuan terpaksa dilakukan peniaga di kawasan-kawasan terkesan di seluruh negara.

Timbalan Menteri Perdagangan Dalam Negeri dan Hal Ehwal Pengguna, Datuk Rosol Wahid berkata, catuan telur ayam bukan sahaja berlaku di kedai runcit dan pasar raya malah program Jualan Keluarga Malaysia (PJKM).

"Kita terpaksa menghadkan satu papan telur ayam bagi setiap pelanggan bagi program PJKM peringkat Hulu Terengganu selama tiga hari bermula hari ini (semalam).

"Ia bagi memastikan telur ayam yang dijual pada harga 30 peratus lebih murah daripada

pasaran ini dapat dinikmati seramai mungkin pengguna," katanya selepas merasmikan program Advokasi Kepenggunaan dan PJKM di Dewan Sivik Ajil di sini semalam.

Rosol mengakui pemeriksaan anggota penguat kuasa Kementerian Perdagangan Dalam Negeri dan Hal Ehwal Pengguna mendapati bekalan telur ayam gred A, B dan C bersubsidi masih kurang di pasaran.

"Begitupun, saya akui bekalan telur premium yang lebih mahal masih stabil, namun kebanyakan pengguna termasuk golongan peniaga menggunakan telur gred A, B dan C bersubsidi bagi menjimatkan kos.

"Kekurangan bekalan telur ayam itu telah dimaklumkan kepada kementerian terlibat dan Pasukan Khas Jihad Tangani Inflasi," katanya.



ORANG ramai hanya dibenarkan untuk membeli sepapan telur bagi memberi peluang semua pihak merasai harga diskaun ketika mengunjungi PJKM di Hulu Terengganu semalam.

Senarai Harga Barang Keperluan		Telur Gred A		Gula Pasir		Cili Merah	
• Ayam	RM7.90	• Telur Gred A	RM13	• Gula Pasir	RM2.85	• Cili Merah	RM10.99
• Daging Lambu Tempatan	RM38	• Ikan Kembung	RM10.93	• Bawang Besar Holland	RM2.89	• Kubis Bulat Tempatan	RM2.50
• Daging Lembu Import	RM50.90	• Minyak Masak	RM6.70	• Bawang Putih	RM4.99	• Tepung Gandum	RM2.60

*Harga (RM/kg) Sumber: KPDNHEP

BERITA ONLINE BERTARIKH 4 NOVEMBER 2022

TARIKH	TAJUK	PAUTAN	MEDIA
4-Nov	Peniaga kedai runcit di Temerloh gusar isu kekurangan bekalan telur masih berlarutan	https://www.google.com/amp/s/www.bharian.com.my/amp/berita/nasional/2022/11/1020175/peniaga-kedai-runcit-di-temerloh-gusar-isu-kekurangan-bekalan-telur	BH
4-Nov	Jualan telur terpaksa dicatu berikutan kekurangan bekalan	https://www.bharian.com.my/berita/nasional/2022/11/1020202/jualan-telur-terpaksa-dicatu-berikutan-kekurangan-bekalan	BH
4-Nov	KPDNHEP Melaka tingkat kan pemantauan	https://www.instagram.com/p/CkfVBL8PRL2/?igshid=YmMyMTA2M2Y=	IG
4-Nov	JENAYAH KPDNHEP Patah Cubaan Seleweng 65,000 Liter Diesel	https://youtu.be/JILR4xHdRNU	BULETINTV3
4-Nov	Jangan harap rekaan busana 'meletup' dalam masa singkat	https://www.google.com/amp/s/www.bharian.com.my/amp/wanita/fesyen/2022/11/1020070/jangan-harap-rekaan-busana-meletup-dalam-masa-singkat	BH
4-Nov	KPDNHEP Umum Harga Minyak Masak Botol Turun Bermula 8 Nov Ini	https://sabahnews.com.my/kpdnhep-umum-harga-minyak-masak-botol-turun-bermula-8-nov-ini/	SABAHNEWS
4-Nov	Tablet percuma untuk pelajar	https://sarawakvoice.com/2022/11/04/tablet-percuma-untuk-pelajar/	SARAWAKVOICE
4-Nov	Penjualan telur dihadkan	https://berita.rtm.gov.my/index.php/semasa/50183-penjualan-telur-dihadkan	BERITARTM
4-Nov	Jualan telur terpaksa dicatu berikutan kekurangan bekalan	https://www.google.com/amp/s/www.bharian.com.my/amp/berita/nasional/2022/11/1020202/jualan-telur-terpaksa-dicatu-berikutan-kekurangan-bekalan	BH

4-Nov	3 NOVEMBER 2022 – BERITA WILAYAH – KPDNHEP BUAT PEMANTAUAN	https://youtu.be/g6ZS4deGn80	BERITARTM
4-Nov	Harga minyak masak turun	https:// sarawak- voice.com/2022/11/04/harga- minyak-masak-turun/	SARAWAKVOICE
4-Nov	JENAYAH KPDNHEP Patah Cubaan Seleweng 65,000 Liter Diesel	https://youtu.be/JILR4xHdRNU	BULETINTV3